

QH. 320.

De Gente Schrenckendorffionum.

v. Schrenckendorff D. D. E. A.

UT.

ORATIONEM.

DE.

NOBILITATE. GENTIS.

QVAM.

ET. GENTIS. ET. MENTIS. NOBILITATE.

FLORENTISS. JUVENIS.

CHRISTIANUS.

Gottlieb Reichbrod/

A. Schrenckendorff. IN. Pesterwitz.

AD. ILLUSTRE. COLLEGIUM.

QVOD. TUBINGÆ. CELEBRATUR.

CONCESSURUS.

CRAS.

FINITIS. SACR. ANTEMERID.

HABEBIT.

EIQV. GRATIAS.

BENEFACTORIBUS. SUIIS. QVAS. DEBET.

ADJICIET.

PATRONI. PROMOTORES. FAUTORES.

BENEVOLE. AUSCULTARE.

NE. GRAVENTUR.

EA.

QVA. PAR. EST.

OBSERVANTIA.

OMNES. SINGULOS. EORUM.

INVITATUM. IT.

GYMNASII. FREIBERG.

RECTOR.

EXCUDENTE. BEUTHERO.



X 211 9311



B. C. D.
BENEVOLO LECTORI
 SALUTEM, ET STUDIA!



Os præter cæteros *gloriosos*, atq; *illustres*, omnisq; honoris præconio dignissimos, qui, Deo tantum freti, quæ inter homines *summa* habentur, sine ullis clarissimæ Patriæ, aut nobilissimæ familiæ, aut opum abundantia præfidiis, suâ sibi *virtute* pepe-

(a) *In sen- rerunt*; nemo cordatorum unquam negavit. Nam Solon (a) *rentiis apud* sapientissimus rectissimè dixit: *Pulchrius multò parari*; quàm *Auson.* *creari nobilem.*

(b) *Apud* Cui succinit *Macrinus*, (b) dum ait: *Generis initia clara po-*
Herod. l. 5. *steris relinqvere præstat*; quàm *accepta à majoribus fædis mori-*
bus contaminare. Nec minùs suum adjicit calculum doctissi-

(c) *Declam* mus *Fabius*, (c) *sortimur*, inqviens, *genus, non eligimus, nec ante*
388. *nos nostri arbitrii sumus. Et nescio, an majus sit facere genus.*

(d) *Apoph-* Unde notissimum ex *Plutarcho* (d) est illud *Iphicratis* (*συνολό-*
thegm. *us* s. *cerdonis filius* (e) qui putabatur; sed rerum gestarum ce-

(e) *vid. ta-* lebritate se insigniter commendaverat) *dictærium* in *Harmo-*
men Bos. ad *dium*, unum de *prisca* illius *Harmodii* posteris, ignobilitatem

Nep. c. 1. S. generis sibi exprobrantem: τὸ μὲν ἐμὸν ἀπ' ἐμῆ γενεῆ ἀρχεται, τὸ δὲ σὸν ἐν σοὶ καταύσεται i. e. *meum genus à me incipit, tuum v. in te*

desinit. Quamquam a. hæc ita habeant se, *maximèq; laudi*, o-

mnibus æquis rerum æstimatoribus *judicibus*, *primùm famili-*
arum nobiliorum numero *suam inserenti* ducatur; tamen *Vi-*

rum, cum in *vivis* esset, *Nobiliss. atq; Præstrenuum*, Dn. **CHRIS-**
STIANUM *Reichbrod* / à *Schreckendorff* / in *Klingenberg* / & *Pes-*

terwitz / **JOHANNI GEORGIO I.** *beatiss. mem.* Patri quondam

Patriæ clementissimo, à *Consiliis*, & *Secretis intimis*, per complures

annos ad ultimum usq; halitum fidelissimum, & nunc rerù poten-

tis Ensiferi Electoris Sereniss. JOHANNIS GEORGII II. Domini

nostri indulgentissimi, pariter *Consiliarium metallicum*, & *Dip-*
poldiswaldensis, Tarantinæ, atq; Altenbergensis præfecturarum
Electoralium Capitanem solertissimum, Virum meritis, & inge-
ni

nii dotibus rarioribus ad invidiam notum, ex ignobili genere,
cui tantum splendoris ipse primus addiderit, natum non esse, no-
vimus. Quippe familia Reichbrodiorum à Schrenckendorff ad
bis centum annos jamjam nobilitate floruit, & insignibus, istum,
prosapia splendorem sat clarè indicantibus, fuit instructa. Si-
cut n. documenta omni exceptione majora adsunt, hæc stirps sce-
ptra imperii moderante MAXIMILIANO I. gloriosiss mem. in
bello Burgundico, ubi virtutū suarum egregia ediderat specimi-
na, nobilioribus fuit adscripta, largitis ipsi maximè celebribus
armis gentilitiis. Siquidem Clypeus quatuor interfectionibus di-
stinctus alternatim accipitrem nigrum sub formâ aquilæ (ut
habent verba diplomatis Imperatorii) in campo flavo, & quinque
subruffos panes in campo rubro exhibet; galeæ v. perforatæ su-
perimposita corona aurea, eminente accipitre, ungue com-
prehendente dextero tres spicas, quibus subjecti tres panes.
In Silesiâ a. nobilissima hæc cæpit, & floruit familia, quam decre-
mentum, quod cum Lunâ celeberrimæ familiæ habent com-
mune, passam quædam tenens, supra memoratus CHRISTIANUS
beatissimè defuncti S. R. I. Præfecti Prætorio JOHANNIS GE-
ORGII I. delictum, cum certatim de nobilitate majorum,
suorum sibi arrogandâ, quippe splendorem istorum æquare,
posterisque suis relinquere posset, moneretur, renovare, priori-
bus tamen insignibus planè iisdem servatis, constituit, memor,
quod Halicarnassæus (f) ait: τὸς εἰληφότας καλὰς τὰς πρώτας ἐκ
τῆ γενεῆς ἀφορμὰς, μέγα ἐφ' ἑαυτοῖς προσήκει φρονεῖν. i. e. decet eos,
qui præclara generis primordia ceperunt, magnificè de se sentire.
Quod eò fecit lubentiùs, cum filiis bonæ indolis se divinitus
donatum esse deprehenderet, quibus ut stimulum ad quarum-
libet virtutum exercitium, & eruditionem nobili locò natis di-
gnam sibi comparandam, adderet, splendorem familiæ pristi-
num suæ luci restituere, non inconveniens duxit. Sed ex hoc
Viro laudatissimo præter eum, quem Deus in tenerâ ad se voca-
vit ætate, duo hodiènum, in spem familiæ hujus ornandæ feli-
citer per Dei gratiam succrescentes, supersunt filii. Horum na-

(f) l. 1. An-
 tiq. Rom.
 c. 6.

tu grandior Dn. CHRISTIANUS SIGISMUNDUS Reichbrod
 de Schrenckendorff/in Klingenberg/Canonikus Martisburgensis,
 à Patre honoratissimo dexteritate docendi clarissimis Præce-
 ptoribus à teneris ungviculis concreditus, & ab ipso etiamnum
 vivo in almam Noricorum Academiam, tanquam ad mercatu-
 ram bonarum artium, ablegatus, ibi per triennium, & quod
 excurrerat, Politicorum, & Ictorum præceptis tinctus probè,
 in peregrinas ante annum concessit oras, & jam in Gallis ver-
 satur, ut variarum nationum, populorumq; moribus, & insti-
 tutis coràm cognitis, quod sibi, patriæq; suæ ex usu esse possit,
 perspiciat exactiùs. *Natus a. minor* est CHRISTIANUS Gottlieb
 Reichbrod/à Schrenckendorff/in Pesterwis/Deo, & omnibus bo-
 nis carissimum caput, de quo nunc paulò specialior mihi erit ser-
 mo. Namq; cum puerulus esset, annis adhuc innocentibus,
 & vix dimidiata tentantibus verba, plurimas statim nature
 præclarissima dedit significationes, quæ & excellens acumen in-
 genii, & indolem virtutis, omnia mox egregia exempla edi-
 turæ, declarârunt, & quod animis generosis ea, quæ ab aliis
 maximo addiscuntur labore, pleraq; sint insita, & ingenerata,
 ipse satis demonstravit. Sicut n. quibusdam terris sua est bo-
 nitas naturalis, priusquam subigantur, feminaq; eis manden-
 tur: ita & quibusdam mentibus bona, & præclara est indoles,
 antequam virtutum, artiumq; præceptis excolantur. Hoc ergò
sentiens Pater p. m. non tantum cum Matre pientissimâ hunc
 suum filium domesticis virtutum exemplis, & morum doctrinis
 maturè fingere, atq; instar mollis ceræ sollicitè formare cœpe-
 runt, memores illius *Platonis*: (g) τὰς εὖ φύλας εὖ καὶ εὖ τεγ-
 φῶσιν, ἔτιω πλείους γίγνεσθαι πρὸς ἀρετὴν, i. e. *benè natos, si etiam
 benè educentur, ita perfectos fieri ad virtutem;* sed & ut in spem
 patriæ, familiæq; latius succresceret, Præceptoribus probatâ
 eruditione, ac orthodoxæ religionis notitiâ, nec non morum
 castimoniâ celebribus, illum literis, & moribus rectis imbuen-
 dum tradiderunt. Cum enim, dicente Sapiientissimo *Senecâ*, (h)
facile est teneros adhuc animos componere, & difficulter reciduntur

(g) In Alc.

(h) lib. 2. de
 irac. 18.

sur vitia, quæ nobiscum crederunt; aut, ut non inscitè Marcellus
Palingenius (i) cecinit,

Illæ diu durant, animisq; tenaciter hærent,

Quæcumq; à primis nascentes hæsimus annis;

Ideò, ne quid labis à teneris hic suus filius traheret, & vi-
tiii, caverunt sedulò Parentes. Sed & cum juxta illud Demosthe-
nis, ὅλως ἀπασα φύσις βελτίων γίγνεται, παιδείᾳ πρὸς λαβῆσαι τὴν
πρὸς ἡμᾶς, i. e. omnis omnino natura, convenientem cum adeptæ
fuerit institutionem, in meliorem mutatur; inde noster REICH-
BRODIUS, sub istis suis Doctoribus ingenuarum literarum, &
morum præcepta capiens, quotidiè ingenii, maxima quæq; mi-
nantis, evidentiora dedit indicia, usq; Parens dulcissimus fa-
tis concessisset, quod anno hujus seculi sexagesimo ad finem pro-
perante, 27. nempe Decembr. evenit. Verùm enim verò finem
vitæ sæpè laudatus CHRISTIANUS Reichbrod / à Schrenckeno-
dorff imminere sibi, non obscuris deprehendens indicia, domui
disposuit suæ, filiisq; ne messis penes eos in herbâ, & flore suf-
focaretur, de Tutoribus, quorum fidem in se, suosq; habebat
perspectissimam, prospexit, antequàm vitæ temporalis claudere-
ret periodum. Virum a. magnificâ autoritate, consultissimâ pru-
dentiâ, rerumq; politicarum usu celeberrimum, Dn. CHRISTI-
ANUM BREHMUM, Electoris-Ensiferi, Domini nostri clemen-
tissimi, Consiliarium dignissimum, & Reipubl. civica, quæ Dresda,
Consulem benè merentissimum, fidelissimâ sibi in vivis junctum
gratiâ, huic filio suo, è primo Conjugio natus minori, Tutorem,
rectius dixerim alterum Patrem, constituit. Nam ne benè cœ-
pta educatio damnari sentiret ullum, potius incrementa quo-
tidiè caperet egregia, Vir præconio nostro major providit sedu-
lò, cujus, tanquam è lumbis suis progressus esset, tenerrima in
REICHBRODIO nostro, ad summa quæq; educando, omnis
hactenùs stetit cura, perstitura, sat scio, dum spiritus ejus reget
artus. Cum ergò in adolescente tam igneum, & ad quolibet bo-
na capiendâ aptissimum perspiceret ingenium, illud uberiori
cultu sollicitè excolendum curavit. Eo consilio antè hoc ferè

i) in Capri-
corno v.

460.

*quadriennium Vir amplissimus hunc REICHBRODIUM huc
 Freibergam ablegatum me & in formationi primùm privata, pau-
 lò post verò, cum prius coelibis res non ferrent, etiam domui,
 mense, inspectioni q̄, concedidit, simul tamen, ut Dn. M. Andrea
 Beyeri, Con-Rectoris, & Dn. M. Tobia Molleri, Collega Tertii hu-
 jus nostri Gymnasii, publicis interesset lectionibus, annuit, & vo-
 luit. Ex eo tempore, quæ discipulum probæ monetæ, ad altiora
 gradum porrecturum, decent, quæq; suarum esse intellexit
 partium, executus est strenuè. Cum n. Gregorii M. Patris quon-
 dam Ecclesie celebratissimi dictum (k) ipsi satis cognitum, quòd
 nulla sit scientia, si utilitatem pietatis non habeat; cum Plinii
 Secundi verba è consummatissimò ad Trajanum Panegyrico,
 quòd nihil ritè, nihilq; prudenter auspiciuntur homines sine Dei
 immortalis ope, itaq; rerum agendarum initia à precatatione sint
 capienda, verissima esse sciret; fundamentum pietatis, precumq;
 suis studiis, laboribusq; substravit sollicitè. Verbum Dei au-
 ro contrà charius habuit semper, stans temporibus templa
 frequentando, ab ore ministrorum, è suggestu divina expli-
 cantium oracula, vitæq; verè Christianæ cynosuram mon-
 strantium, sedulò pendendo, & quantum in se, qui homo ni-
 hil humani à se putavit alienum, audita opere exprimere la-
 borando, nec non ardentissimis in templis, in Auditoriis, in
 Muséo, in Cubiculo fuis quotidiè suspiriis se, suaq; Deo com-
 mendando, quanticulum supremi faceret Numinis, demon-
 stravit liquidissimè. Sed &, cum notum haberet, ita labo-
 randum, quasi nil studiis Jehovæ adjiceret benedictio, præter-
 eaq; nobilitatem Generis non otio, sed negotiis præclarè su-
 szeptis suam transcribere originem, postulareq; ad sui conser-
 vationem laborem indefessum, non ignoraret, juxta illud A-*

(1) lib. 1. de scra Poëta (1)

Opere, &
die,

ἔργον δ' ἄδὲν ὄνειδος, ἀεργία δὲ τ' ὄνειδος i. e.

Labor, vel opus non est probrum; sed otium cedit dedecori;
 inde munia sua scholastica ferventissimo nunquam non tra-
 ctavit

Stavit ardore, decentissimam adhibens industriam. Nicias pictor tantam ad pingendum fertur attulisse diligentiam, ut sæpius arti intentum cibi, potionisq; caperet oblivio: Idem REICHBRODIUS noster, dum in bonarum literarum stadio ingentia conficere spatia, & Deo, atqve die propitiis, brabæum auferre meditabatur, non Murcia, aut Vacunæ se consecravit, non vitia, quibus pleraqve se nunc pessimo ausu mancipat juvenus literaria, sectatus est. Sed difficilius à suâ industriâ, quàm sol à suo cursu, poterat revocari: Sicuti *mecum Domini mei Collega supra nominati*, eum satis attentâ auscultatione ipsos dignatum fuisse, fatebuntur haud gravatim. Nec n. tantum cum *Senecâ* (m) (Epistol. 8.) *nullus per otium ei exivit dies; sed &*, quod ego sanctissimè testor, nōruntqve *consalini*, nonnunquam partem noctium studiis vindicavit. Quem plenis buccis deprædicandum ardorem cum nos, quibus publicè docendum in superioribus Gymnasii Classibus demandatum, videremus, volentes, & libentes isti brevem ac rectam, quæ ad scientiam ferret, viam monstravimus, nihil, quod ad eum erudiendum ullâ ex parte facere visum, reliqui facientes. Unde etiam divinâ benedictione succurrente studia ejus incrementa habuere excellentiora, & præter *Capita religionis, Logicæ, Rhetoricæ, Oratoricæ, Poëticæ, Ethicæ* addo etiam *Lingvæ Græcæ*, (quam matrè omnis ingenuæ literaturæ non alto, quod plures solent, sprevit supercilio) *notitiam hausit omninò egregiam. Quoties n. Vos, Domini Inspectores laudatissimi, cum reliquis urbis nostræ eruditis, eum explorandarum suarum virium causâ, pro rostris publicè, pedestri, & equestri stylo dicentem audivistis? Pluribus adhuc vicibus me, commilitonibusq; præsentibus, id non sine applausu præstitit. Mores tam benè suos formari passus est, ut graves, severi, compositi, & humanitatis tamen, ac facilitatis condimento temperati sint, iisque amorem omnium, quibus innotuit, in se derivârit planè singularem: Sicuti omnes, summos, imos, cujuscunq; tandem sint ordinis, atqve dignitatis, qui REICHBRODIUM nostrum hîc nōrunt, ei ex animo benè cupere, certò scio, & audacèter hîc assevero. Cum ergò fundamenta eruditionis solidæ in hoc nostro Gymnasio, subq; nostrâ manu ductione, Deo duce, & comite industriâ, jacta essent solidè, supra cum honoris præfamine nominatus Dn. CHRISTIANUS BREHMILS, eum ad Academiam, tanquam ad uberi-*

uberiorem bonarum literarum mercatum, *ablegare*, consilium iniit.
 Ut a. *nobilium Studiis* ritè innutiretur, *Serenissimum nostrum PATREM*
PATRIÆ, de *dandis* ad *Celsissimum Württembergiæ Ducem*, EBERHAR-
 DUM &c. *Collegii illustris*, quod *Tubingæ* floret, *Nutritium* munificen-
 tissimum, quò isti REICHBRODIUS *noster* *infereretur*, *literis* *ουστημαϊς*,
supplicis adiit *humillimè*, & *obtinet* *facillimè*. Unde nostræ hactenus
curæ, & *institutioni commissus* in *procinctu*, *Tubingam* *celebratissimam*
se recipere, stat. Cœterum, ut *clausulam* *conuersationi* *sux* *hujus loci* ad-
dat bonam, *crastinâ Luce*, si *Deus dederit*, *hor. Antemerid. VIII. s. finitis sa-*
cris, *denuò conscendet Cathedram*, & postquam de *Nobilitate Gentis* *ver-*
ba fecerit, *Deo*, *Potentissimo Electori Saxonie*, *Domino suo beneficentissi-*
mo, *aliisq; Benefactoribus*, *decentes decernet gratias*. Cui finienti *tres ha-*
ctenus ejus ουστηοι, *vota propemptica carminica succinent*, & quidem
 Johannes Friedericus Lüderus, Regio-mont. Neo-March. Heroi-
 cum Latinum.

David Ernestus Müllerus, Augusto-pyrg. Epico-Jambicum.

Michael Rhun/ Biberstein. Jambicum Germanicum.

Vos, *Ecclesia*, & *Curia nostra Proceres*, & in uniuersum *omnes*, quò-
rum oculis hæc exponetur, in *gratiam REICHBRODII nostri* *frequentes*
confluituros, *abeuntemq; nobiscum voto devoto profecuturos*, *nulli de-*
speramus. Ut a. *libentiùs faciatis*, *preces*, & *officiola nostra* *polliciti prom-*
tissima, *maiores contendimus* in modum. De cœtero *nulli etiam du-*
bitamus, quoniam *ad quos imposterum hic REICHBRODIUS se conferet*,
ubi pietatis studium, *cum ardore discendi*, *morumq; castimoniâ con-*
junctum viderint, *ejus commodis sint velificaturi egregiè*. Quos, si *quid*
possunt nostre preces, ut ne *quâcunq; in re Juveni*, *ad summa concita-*
to pergenti cursu, *favere intermittant*, *rogamus* *quàm maximè B. V.*
Dab. è Muséo ος ταχιστα Freib. Herm. postridiè Idûs Aug. M. DC. LXV.

NB.

Si Sanguis, Virtus, Studium Labor
improbus usum
Nobilitant Juvenem hunc
Nobilitare scias

M. MICHAEL SCHIRMERUS,
 GYMNASII PATR. RECTOR.

teste M. Chr. Fr. Beyero Jur.

QK.320.

de Gente Schrenckendorff
v. Schrenckendorff D.

ORAT

NOBILITA

ET, GENTIS, ET, M
FLORENTA

CHRIS

Gottlieb

A. Schrenckend

AD. ILLUSTR

QVOD. TUBING

CONC

FINITIS. SAC

HA

EIQV.

BENEFACTORIBUS

ADJ

PATRONI, PROMC

BENEVOLE.

NE. GR

QVA. I

OBSE

OMNES. SINC

INVIT

GYMNASI

REC

EXCUDENT



e
615

11 9311

BIBLIOTHEK

CA

